

**AKT THEMELIMI DHE STATUTI**  
**I SHOQERISE ME PERGJEGJESI TE KUFIZUAR**  
**PharmaLab Continental shpk**

Sot më datë 13/10/2020:

**Themeluesit**

1. Z.Hysen Buzali, i biri i Agimit lindur më 20.02.1985 Skrapar dhe banues në Tiranë adresën,Rr: Frosina Plaku, mbajtës i kartes se identitetit me Numër I50220169L, madhor, me zotësi të plotë juridike për të vepruar.

Që në vijim do të quhen **Ortaku**

bazuar në vullnetin e tij të lirë dhe në përputhje me ligjin Nr. 9901, datë 14.04.2008 “Për Tregtarët dhe Shoqëritë Tregtare”, dhe Ligjit Nr. 9723, datë 3.5.2007 “Për Qendrën Kombëtare të Regjistrimit”, i ndryshuar vendosi të themelojë Shoqërinë tregtare me përgjegjësi të kufizuar "PharmaLab Continental Shpk, në bazë të kushteve që vijnë:

**Neni 1**


**Emërtimi i Shoqërisë**

- 1.1 Shoqëria PHARMALAB CONTINENTAL Shpk (më poshtë e quajtur “Shoqëria”), është një shoqëri me përgjegjësi të kufizuar, themeluar sipas ligjit 9901, date 14.04.2008 “Për Tregtarët dhe shoqëritë tregtare”, i ndryshuar dhe fiton personalitet juridik pas regjistrimit të saj në Regjistrin Tregtar Shqiptar pranë Qendrës Kombetare te Biznesit.

**Neni 2**

**Selia**

- 2.1 Selia e Shoqërisë ndodhet në adresën: Njësia Bashkiake Nr.2, Rruga Ali Demi, Ambientet e ish Kombinatit Poligrafik, Godinë 2 katëshe, ngjitur me Spitalin Continental, pronë e Kryegjyshitës Bektashiane, Tiranë, Shqipëri.



1

2.2 Shoqëria mund të hape zyra përfaqësimi, degë dhe/ose filiale dhe/ose të marrë pjesë në shoqeri të tjera, të kryejë aktivitetet në vënde të tjera, qoftë brënda apo jashtë territorit të Republikës së Shqipërisë, në përputhje me vendimet e asamblesë së ortakëve.

### **Neni 3**

#### **Kohëzgjatja**


Shoqëria do të zhvillojë aktivitetin e saj për një periudhë kohore 15(pesëmbëdhjet) vite, duke filluar nga data e regjistrimit të shoqërisë në Regjistrin Tregtar.

### **Neni 4**

#### **Objekti**

Objekti kryesor i veprimtarisë së Shoqërisë do të jetë:

- Tregëtim dhe furnizim me shumicë dhe pakicë të mallra farmaceutike, reagente dhe të ngjashme mjeksore brënda dhe jashtë territorit shqiptar
- Anliza mjeksore të çdo natyre
- Furnizim, tregëtim, dhenie në përdorim pa pagesë në funksion të veprimtarisë së shoqërisë, qeradhenie të paisjeve mjeksore
- Transport për nevojat e veta dhe në shërbim të aktivitetit
- Në përgjithësi, Shoqëria mund të kryejë çdo veprimtari të nevojshme e të dobishme, të lejuar nga ligji për realizimin e objektit të aktivitetit të saj.
- Tregëtim me shumicë dhe pakicë të barnave,
- import-eksport të medikamenteve dhe të aksesorëve të ndryshëm farmaceutike.
- Tregëtim me shumicë dhe pakicë të lëndëve të para dhe produkteve farmaceutike në farmaci dhe spitale private e shtetërore.
- Import eksport të materialeve për përdorim mjeksor dhe tregëtim e furnizim i tyre në subjekte publike e private.
- Import eksport, tregëtim me pakicë e shumicë të aparaturave mjeksore, farmaceutike.
- Hapje klinikash laboratorike e farmaci për tregëtim medikamentesh.



2

- Pastrimi, higjenizimi dhe dizinfektimi për përdorim të gjerë.
- Shërbime ndërhyrëse dhe ekspertizë higjeno-shëndetësore, përfshirë këtu edhe shërbimi DDD (dezinfektim, deratizim, dezinfektim) i sipërfaqeve të ndryshme të brendshme dhe të jashtme me lëndë dezinfektuese të standarteve të Bashkimit Europian

## **Neni 5**

### **Kapitali, Kontributet në pjesë dhe Kuotat**

5.1 Kapitali i Shoqërisë është 1,800,000 (një milion e teteqinde mijë) euro, i ndare në 1 (një) kuota, vlera e të cilave zotërohet nga Ortaku **Z. Hysen BUZALI**, i biri i Agimit, lindur në Skrapar, dhe banues në Tiranë në adresën Rr. Frosina Plaku me letërnjoftim Nr I50220169L i cili është mbajtës i 1 (një) kuotë, e cila përfaqëson 100% të kapitalit me vlerën 1800,000 (njëqindë e tetëdhjetë mijë) euro

5.2 Kuotat janë të transferueshme dhe mund të transferohen në çdo kohë në përputhje me kushtet dhe afatet që përcaktohen në ligjin shqiptar. Përgjegjësia e Ortakut shtrihet deri në vlerën e kontributit të tij në kapitalin e Shoqërisë.


## **Neni 6**

### **Asambleja e Përgjithshme e Ortakeve**

6.1 Bazuar në ligjet e zbatueshme dhe dispozitat e këtij Statuti, Asambleja e Përgjithshme e ortakëve të Shoqërisë është organi i vetëm vendimmarrës i Shoqërisë. Ajo përfaqëson të gjithë ortakët dhe vendimet e saj, të marra në përputhje me ligjin dhe këtë Statut. Vendimet e Asamblesë janë detyruese për të gjithë ortakët, përfshirë ata që nuk marrin pjesë në votim apo që votojnë kundër këtyre vendimeve, ajo mblidhet në selin e saj apo në çdo vënd tjetër që ndodhet Kryetari i asamblesë.


Asambleja e përgjithshme e ortakëve është përgjegjëse për marrjen e vendimeve të mëposhtme:

- a) përcaktimi i politikave tregtare të Shoqërisë;



- b) miratimi i ndryshimeve të statutit;
- c) emërimi dhe shkarkimi i anëtarëve të Këshillit Administrativ/Administratorit të Vetëm si dhe përcaktimi i kompetencave dhe shpërblimit të tyre;
- d) emërimi dhe shkarkimi i likuiduesve dhe ekspertëve kontabël të autorizuar si dhe përcaktimi i shpërblimit të tyre;
- e) mbikëqyrjen e zbatimit të politikave tregtare nga Këshilli Administrativ/Administratori i Vetëm, përfshirë mbikëqyrjen e përgatitjes së pasqyrave financiare vjetore dhe të raporteve të ecuresë së veprimtarisë;
- f) miratimi i pasqyrave financiare vjetore dhe të raporteve të ecuresë së veprimtarisë pas marrjes dhe shqyrtimit të dokumenteve përkatës;
- g) zmadhimi dhe zvogëlimi i kapitalit të Shoqërisë pas marrjes dhe shqyrtimit të dokumenteve përkatës;
- h) pjesëtimin e kuotave, anulimin e tyre, largimin e ortakut;
- i) caktimin e përfaqësuesit të Shoqërisë në gjykatë dhe në procedimet e tjera ndaj anëtarëve të Këshillit Administrativ/Administratorit të Vetëm;
- j) miratimin e riorganizimit të Shoqërisë, përfshirë bashkimin me shoqëri të tjera, ndarjen e Shoqërisë, shndërrimin e Shoqërisë si dhe prishjen e Shoqërisë;
- k) miratimin e rregullave procedurale të mbledhjeve të asamblesë së ortakëve.
- l) çeshtje të tjera të parashikuara nga Ligji apo statuti.

Çdo ortak ka të drejtë të marrë pjesë në mbledhjet dhe vendimet e Asamblesë duke patur të drejtën e votës në raport me vlerën nominale të kuotës së tij. Çdo ortak mund të përfaqësohet në vendimarrje nga një ortak tjetër, nga bashkeshorti(ja) ose nga çdo person tjetër, me kushtin që përfaqësuesit të jenë të pajisur me autorizimin përkatës. Administratorët e shoqërisë nuk mund të jenë përfaqësues të ortakëve në mbledhjet e Asamblesë së Ortakëve. Autorizimi mund të jepet vetëm për një mbledhje të asamblesë së ortakëve, por përfshin edhe mbledhjet me të njëjtin rend dite.



4

6.2 Administratori sipas gjykimit të tij të lirë ose me kërkesën e një dhe/ose më shumë ortakëve të cilët përfaqësojnë të paktën 5% të kapitalit të Shoqërisë dhe/ose auditit ligjor nëse ka, dhe/ose likuiduesit kanë të drejtë të thërrasin Asamblenë e Përgjithshme të Ortakëve. Në këtë rast ortakëve duhet t'iu dërgohet një njoftim me shkrim ose me postë elektronike(email), në çdo rast jo më vonë se 7 ditë përpara datës së mbledhjes, i cili thekson qëllimin, vendin dhe oren e mbledhjes.

Asambleja e Përgjithshme e Ortakëve thirret të paktën një herë në vit brenda 6 muajve nga përfundimi i vitit ushtrimor.


Për të vendosur shpërndarjen e fitimit, ndryshimin e statutit, zmadhimin ose zvogëlimin e kapitalit të regjistruar, anulimin, fshirjen e kuotës, largimin e ortakut si dhe riorganizimin dhe prishjen e shoqërisë. Asambleja e Përgjithshme e Ortakëve konsiderohet e mbledhur rregullisht kur janë të pranishëm ose të përfaqësuar ortakët që zotrojnë më shumë se 50% (pesëdhjetë përqind) të numrit total të votave. Vendimi merret me votën pro të të paktën 75% (shtatëdhjetë e pesë) përqind të ortakëve të pranishëm.

Nëse Asambleja e Përgjithshme nuk mund të vendosë për shkak të mungesës së kuorumit të përcaktuar më lartë, ajo mbledhet përsëri, por jo më vonë se 30 (tridhjetë) ditë, me të njëjtin rend dite.

## **Neni 7**

### **Administrimi i Shoqërisë**

- 7.1 Administrimi i Shoqërisë do të kryhet nga Administratori.
- 7.2 Administratori emërohet me vendim të Ortakëve dhe qëndron në këtë detyrë për një afat jo më të gjatë se 5(pesë)vjetë. Administratori mund të rizgjidhet për të njëjtën periudhë me vendim të Ortakëve të shoqërisë.
- 7.3 Administrator i Shoqërisë do të jetë:



**Z. Hysen Buzali**, i datëlindjes, 20/02/1985, lindur në Skrapar dhe banues në Tiranë me adresë Rruga Rr. Frosina Plaku, Njësia Bashkiake Nr 7-te, Tiranë, i njohur me letërnjoftimin ID Nr I50220169L


Administratori mund të shkarkohet me vendim të ortakëve në çdo moment për arsye të justifikuara.

- 7.4 Administratori është personalisht përgjegjës përpara Shoqërisë dhe/ose palëve të treta për dëme të shkaktuara nga shkelja e dispozitave të këtij Statuti ose të Ligjit të zbatueshëm.

## **Neni 8**

### **Detyrat dhe Kompetencat e Administratorit**

- 8.1 Pasuria dhe aktiviteti tregtar i Shoqërisë do të administrohen nga Administratori, i cili ka të drejtë të ushtrojë të gjitha kompetencat që gjykon të nevojshme për realizimin e objektit të Shoqërisë, me përjashtim të atyre që ky statut dhe ligji i ka rezervuar Ortakëve të Shoqërisë. Administratori mund të autorizojë apo emërojë me anë të prokurës persona të tretë për kryerjen e veprimtarive dhe/ose kompetencave që i përkasin Administratorit.
- 8.2 Kompetencat e Administratorit në lidhje me administrimin dhe mbikëqyrjen e veprimtarisë së Shoqërisë përcaktohen por pa u kufizuar, si më poshtë vijon.
- (a) Të zbatojë politikat tregtare të Shoqërisë dhe vendimet e Asamblesë së Përgjithshme të Ortakëve;
  - (b) Të sigurojë që Shoqëria respekton ligjin(et) e zbatueshëm dhe standardet kontabël;
  - (c) Të kryejë të gjitha veprimet në lidhje me administrimin e veprimtarisë tregtare të Shoqërisë;
  - (d) Të përfaqësojë Shoqërinë kundrejt palëve të treta, entiteteve publike apo private, si dhe entiteteve/ose autoriteteve vendase ose të huaja;
  - (e) Të përgatitë dhe nënshkruajë pasqyrat financiare vjetore të Shoqërisë të cilat do të miratohen nga Asambleja e Përgjithshme e Ortakëve.
  - (f) Të kryejë të gjitha regjistrimet dhe publikimet e detyrueshme në lidhje me Shoqërinë sipas parashikimeve të ligjeve në fuqi;



6

- (g) T'i raportojë Asamblesë së Përgjithshme të Ortakëve në lidhje me zbatimin e politikave tregtare dhe kryerjen e veprimtarive tregtare që mund të konsiderohen me rëndësi të veçantë për Shoqërinë;
- (h) Të punësojë dhe të shkarkojë punonjës sipas politikave të shoqërisë;
- (i) Të hartojë dhe të nënshkruajë deklaratat tatimore dhe çdo akt tjetër që ka lidhje me dokumentacionin që duhet të dorëzohet pranë Qendrës Kombëtare të Regjistrimit ose autoriteteve të tjera.
- (j) Të kryej detyra të tjera të përcaktuara në ligj dhe në Statut.

## **Neni 9**

### **Auditi Ligjor**

Auditi Ligjor do të emërohet(n) me vendim të Asamblesë së Përgjithshme të Ortakëve në rastet kur kjo është kërkesë e legjislacionit shqiptar. Riemerimi do të bëhet në përputhje me legjislacionin shqiptar në fuqi.

Auditi Ligjor mund të shkarkohen pjesërisht ose tërësisht me vendim të Asamblesë së Përgjithshme të Ortakëve në rast të shkeljeve të detyrave, gabimeve apo sjelljes jo të mirë profesionale.

## **Neni 10**


### **Viti Ushtrimor**

Viti Ushtrimor fillon në 1 Janar dhe mbaron më 31 Dhjetor të çdo viti. Përgjithësisht, viti i parë ushtrimor fillon me datën e regjistrimit të Shoqërisë në Regjistrin Tregtar Shqiptar dhe përfundon më datë 31 Dhjetor 2020.

## **Neni 11**

### **Shpërndarja dhe Prishja**

- 11.1 Shoqëria mund të shpërndahet me vendim të Asamblesë së Përgjithshme. Shpërndarja e shoqërisë do të ndiqet nga prishja e saj.



- 11.2 Shoqëria do të ruajë personalitetin juridik, i cili do të shërbejë për qëllimet e likuidimit dhe emrin e shoqërisë do ta pasojnë fjalët “në proces likuidimi”
- 11.3 Likuidatori(et) do të emerohet me vendim të Asamblesë së Përgjithshme. Prishja e Shoqërisë dhe emërimi i likuidatorit(ve) do të kryhet në përputhje me legjislacionin shqiptar.

## **Neni 12**

### **Fitimet**

Ortakët kanë të drejtë të ndajnë pjesën e fitimit të deklaruar në pasqyrat financiare të shoqërisë. Fitimi u shpërndahet ortakëve në raport me kontributin e tyre në kapitalin e shoqërisë.

Shoqëria mund tu shpërndajë fitime ortakëve vetëm nëse pas pagimit të dividendëve:

- aktivet e shoqërisë mbulojnë tërësisht detyrimet e saj,
- shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.

## **Neni 13**


### **Ligji i Zbatueshem**

- 12.1 Shoqëria do të zhvillojë aktivitetin e saj në përputhje të plotë me këtë Statut dhe me ligjin e zbatueshëm shqiptar.
- 12.2 Për sa nuk është parashikuar në këtë statut, do të aplikohen dispozitat e ligjit shqiptar për shoqëritë tregtare.

## **Neni 14**

### **Mosmarreveshjet**

Për çdo mosmarrëveshje që mund të lindë në lidhje me zbatimin dhe interpretimin e këtij statuti dhe për çdo mosmarrëveshje që mund të lindë ndërmjet Shoqërisë dhe palëve të treta, kompetente për zgjidhjen e tyre do të jenë gjykatat shqiptare.



8



**Neni 15**  
**Ndryshimet**

Ky statut mund të ndryshohet, rishikohet dhe/ose shfuqizohet pjesërisht ose tërësisht dhe të zëvendësohet me një statut të ri me vendim të Asamblesë së Ortakëve.

Ky statut/ akt themelimi i shoqërisë me përgjegjësi të kufizuar PHARMALAB CONTINENTAL Shpk hartohet në 3 kopje në gjuhën shqipe, me vlere të njëjtë secila.

**ORTAKU**

Hysen Buzali

